

UREDBA
O USLOVIMA I NAČINU IZGRADNJE KUPOVINE I DODJELE STANA PUTEM
FONDA KANTONA SARAJEVO ZA IZGRADNJU STANOVA ZA ČLANOVE
PORODICA ŠEHIDA I POGINULIH BORACA, RATNIH VOJNIH INVALIDA,
DEMOBILIZIRANIH BORACA I PROGNAHNIH OSOBA

("Službene novine Kantona Sarajevo" broj 14/03)

Član 1.

Ovom uredbom utvrđuju se uvjeti i način izgradnje, kupovine i dodjele stana putem Fonda Kantona Sarajevo za izgradnju stanova za članove porodica šehida i poginulih boraca, ratnih vojnih invalida, demobiliziranih boraca i prognanih osoba (u daljem tekstu: Fond).

Član 2.

Pravo na izgradnju stana putem Fonda imaju pripadnici boračkih kategorija iz člana 1. Zakona o dopunskim pravima boraca -branitelja Bosne i Hercegovine ("Službene novine Kantona Sarajevo", broj 2/02) (u daljem tekstu : Zakon) i to:

- borci - branitelji Bosne i Hercegovine ukoliko ispunjavaju uvjete utvrđene zakonom;
- članovi porodica šehida i poginulih i nestalih boraca - branitelja i porodica umrlih ratnih vojnih invalida koji imaju pravo na porodičnu invalidninu, a isto je utvrđeno rješenjem nadležnog organa; ratni vojni invalidi koji imaju pravo na ličnu invalidninu, a isto je utvrđeno rješenjem nadležnog organa;
- učesnici narodnooslobodilačkog antifašističkog rata 1941-1945 godine čiji je status utvrđen rješenjem nadležnog organa;
- nosioci najviših ratnih priznanja, organizatori otpora i veterani prvoborci ukoliko ispunjavaju uvjete utvrđene zakonom.

Član 3.

Pravo na gradnju stana u Fondu pripadnici kategorija iz člana 2. ove uredbe mogu ostvariti, pod uslovom da nemaju riješeno stambeno pitanje, te da boravište, odnosno prebivalište na području Kantona Sarajevo imaju neprekidno najmanje tri godine prije stupanja na snagu zakona.

Član 4.

Pripadnici kategorija iz člana 2. ove uredbe grade stan udruživanjem sredstava sa Fondom, u skladu sa Pravilnikom o načinu udruživanja sredstava i utvrđivanja uslova za izgradnju i kupovinu stana koji donosi Upravni odbor Fonda.

Član 5.

Za udruživanje sredstava za izgradnju stana putem Fonda objavljuje se javni oglas. Odabir kandidovanih lica za udruživanje sredstava sa Fondom vrši se putem Komisije za rješavanje po zahtjevu o udruživanju sredstava za izgradnju stanova, koju imenuje Fond, a u čijem sastavu su predstavnici boračkih kategorija i predstavnik Ministarstva za boračka pitanja.

Član 6.

Ministarstvo za boračka pitanja dostavlja Fondu listu lica pripadnika kategorija koja u skladu sa članom 37. Zakona imaju pravo na dodjelu stana u vlasništvu. Prioritetno rješavanje stambenog pitanja pripadnika boračkih kategorija u Fondu, riješava se u skladu sa listom prioriteta utvrđenom od strane Ministarstva za boračka pitanja.

Član 7.

Pripadnici kategorija iz člana 2. ove uredbe, uz podnošenje zahtjeva za udruživanje sredstava dužni su priložiti:

- dokaz o pripadnosti boračkoj kategoriji,
- dokaz o zaposlenju, odnosno stalnom izvoru prihoda,
- dokaz da nisu podnijeli zahtjev za legalizaciju stambenog objekta,
- dokaz da nisu vlasnici niti suvlasnici nekretnina na području BiH, kao ni članovi njihovog porodičnog domaćinstva,
- dokaz da nisu otkupili stan po Zakonu o prodaji stanova na kojima postoji stanarsko pravo ("Službene novine Federacije BiH" broj 27/97, 11/98, 22/99, 27/99, 7/00, 32/01, 61/01 i 15/02)
- kućnu listu,
- uvjerenje i izjavu o prijeratnom prebivalištu, fotokopiju lične karte.

Pripadnici kategorija iz člana 2. ove uredbe koji su prije rata imali prebivalište na području van Kantona Sarajevo, pored dokumenata iz prethodnog stava, dužni su pribaviti dokaz da nisu vlasnici niti suvlasnici nekretnina na području BiH.

Član 8.

Ova uredba stupa na snagu danom objavljivanja u "Službenim novinama Kantona Sarajevo".